

**Theologia Scholastica Secundum Viam Et Doctrinam D.
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

§. II. Utraque sententia rejicitur.

[urn:nbn:de:hbz:466:1-73455](#)

ARTICULUS II.

Quid de cumulo omnium perfectionum, & de infinitate sentiendum.

SUMMARI A.

1. *Autoritates pro cumulo omnium perfectionum.*
2. *Probationes ex ratione.*
3. *Fundamenta pro infinitate.*
4. *Prior sententia ponit magis physicum constitutum quam metaphysicum.*
5. *Tollit conceptus attributales.*
6. *Et diversitatem inter processione Verbi & Spiritus S.*
7. *Infinitas est tantum modus essendi.*
8. *Et reductio in esse à se.*
9. *Autoritates exponuntur.*
10. *Infinita in effectu includitur implicitè.*
11. *Effectus simplicissima in sua constitutione non ad infinitum prioritatem partium.*
12. *Natura DEI est infinita radicaliter.*
13. *Incommunicabilitas predicationi non sufficit ad constitutionem divinae essentiae.*

§. I.

Argumenta pro cumulo perfectionum & infinitate.

Cumulum omnium perfectionum Bernaldus de Quirios loco citato probat primò auctoritate SS. PP. qui dicunt primò: nomen *Qui est*, ideo esse maximè proprium DEO, & explicare ipsum essentiam, quia imbibit totam perfectionem essendi. Ita Nazianz. or. 38. de Nat. videtur principius omnium de DEO dictorum nominum esse, *Qui est*, totum enim in se ipso comprehendens habet ipsum esse velut quoddam pelagus substantia infinitum & interminatum.

Dicunt secundò: attributa DEI non minus essentialiter dici de DEO, quām corpus & rationale hominis. ut S. Anselm. in Monol. c. 16. Dicunt tertio: *Ideas esse quodlibet unum illorum (predicantium) quod omnia sunt simul, sive singula*, ut S. Anselm. 16. Dicunt quartò: per omnes divinas perfectiones eque responderi ad questionem: *Quid est, Deus?* ut idem Anselm. l. c. c. 1 f. Si queratur quid si ipsa summa natura, de qua agitur, quid versus respondet, quām Justitia? Et infra. *Quid quid eorum de illa dicatur, non qualis, vel qualita, sed magis quid si monstratur.* Sed per nihil essentia extraneum responderet ad questionem, quid est? ergo omnes divinae perfectiones pertinent ad constitutionem essentiae divinae.

Ex ratione fundamentum est secundò: significatum formalissimum DEI exprimit pluralitatem omnium perfectionum; ergo DEUS non per unam solam, sed per omnes debet constitui. Tertio: Essentia DEI est formaliter infinita in omni genere: ergo ad sui constitutionem requirit omnes omnis generis perfectiones. Antec. videtur certum, eo quod essentia DEI sit optimum, quo majus & melius exigitur non potest. Quartò: Non est inconveniens, plurime concurrent ad constitutionem unius essentiae, quantumvis unum sit altero nostra ratione posterius; quemadmodum ad constitutionem compositi physici concurrent materia & forma, & ad constitutionem discursus tres mentis operationes.

R. P. Mezz. Theol. Schol. Tom. I.

Pro infinitate ratio, est primò: quod Essentia 3. divina secundum se est infinita, sed non est infinita, nisi per infinitatem: ergo infinitas convenit natura divina secundum se.

Secundò: Natura DEI cum debeat ipsum distinguere ab omni creatura, debet constitui per prædicatum incomunicabile creaturis; sed tale prædicatum est infinitas.

§. II

Verae sententiae reijsicuntur.

VERUM neutra sententia admitti potest. Et prior 4. quidem physicam potius quam metaphysicam constitutionem tradit divina essentia, neque potest subsistere. Primo: quia constitutivum metaphysicum divina essentia debet esse prima radix attributorum & operationum; sed cumulus omnium perfectionum non potest esse prima radix illorum, quippe in quo eademmet attributa & operationes continentur. Addo, quod inter ipsa attributa datur ordo virtualis, secundum quem aliqua sunt & concipiuntur nostrā ratione alii posteriori; quomo ergo ad primam radicem pertinere poterunt?

Secundò, si quilibet perfectio pertinet ad formam constitutivum essentiae, jam non est ratio, cur una perfectio magis dicatur attributalis quam alia: si quidem ex hoc dicitur: attributum, quod superadditur essentiæ; sed si est de ipso constitutivo essentiae, non superadditur essentiæ; ergo.

Tertio, non est major ratio, cur Verbum procedens per intellectum, procederet in similitudinem naturae, eaque de causa ipsius processio foret generatio, quam Spiritus S. procedens per voluntatem; cum non minus voluntas, quam intellectus pertinenter ad intrinsecam constitutionem divinae naturae.

Contra infinitatem facit primò, quod infinitas est modus tantum essendi naturæ increatae, sicut finitas est modus essendi naturæ creatae; ergo sicut ista consequitur, non autem constituit naturam cretanam; ita etiam illa non constituit, sed consequitur naturam increataem.

Secundò, quia, ut infra videbimus, infinitas reditur in esse à se & irreceptum, tanquam in rationem à priori, & consequenter non est primum constitutivum.

Tertio, quia non exprimit gradum virtutis divinae, quod tamen pertinet ad constitutivum naturæ sup. dictum.

§. III.

Solvuntur opposita rationes.

AD auctoritatem PP. pro cumulo omnium perfectionum Resp. Eos vel in physica acceptione 9. divinae essentiae, vel de implicita & radicali contingenti perfectionum suis locutos, atque ita perfectio essendi explicita per nomen *qui est*, si physicè accipiat, formaliter imbibit totam perfectionem essendi: sicut metaphysicè; radicaliter & implicitè essendi.

Ita etiam D. Anselmus cit. c. 15. & 16. loquitur.

D

Ad